

quo subungebat, nonnulli Monachi dictae Congregationis professionis regularis per eos emissae immemores Beneficia Ecclesiastica etiam curam animarum annexam habentia, extra praefatam Congregationem non sine praedictis eorum animarum contra Constitutionis praesertim dispositionem conferri sibi procurant, eaque occasione disciplinam regularem relaxare, carnibus vesci, aliaque incongrua contra eorum regulam committere cum reliquorum dictae Congregationis Monachorum scandalo, & secularium personarum offensione non vereantur. Nobis propterea idem Procurator Generalis humiliter supplicari fecit, ut in praemissis opportune, ut infra providere, de benignitate apostolica dignamur.

Confirmat
Causit.

§.3. Nos igitur dictum Procuratorem Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, praesertim Constitutionem cum omnibus, & singulis poenis, & aliis in ea quomodolibet contentis; ita quod omnes, & singulae gratiae, quas de caetero contra ejusdem Constitutionis dispositionem obtineri contigerit, nullae, & invalidae, nulliusque roboris, & momenti existant, apostolica auctoritate, tenore praesentium confirmamus, & approbamus, illisque inviolabilis, apostolicae firmitatis robor adiciamus, ac omnes, & singulos juris, & facti defectus, si qui desuper quomodolibet intervenerint, supplemus.

Praedictis Monachis prohibe ne beneficia ecclesiastica absque licentia in scriptis Capituli generalis consequantur.

§.4. Praeterea singulis praefatae Congregationis Monachis, ne ullum Beneficium Ecclesiasticum absque licentia Capituli Generalis ejusdem Congregationis de triennio in triennium celebrari soliti in scriptis, & non aliter, nec alio modo obtenta consequi, neve ut aliquod simile Beneficium sibi quoquo modo conferatur directe, vel indirecte per se, vel alium, seu alios, & aliter quomodolibet procurare praesumant sub expressis in praesertim Constitutione, necnon nullitatis provisionum contra praesentium dispositionem, quomodocumque faciendarum, ac perpetuae inhabilitatis ad quovis gradus tam in dicta Congregatione, quam extra eam, consequendos poenis per contravenientes incurrendis, auctoritate, & tenore praedictis inhibemus.

Præsentibus ceteris literas.

§.5. Decernentes praesentes literas semper firmas, validas, & efficaces existere, & fore, ac ab omnibus, ad quos spectat, & pro tempore spectabit, inviolabiliter observari; Sicque in praemissis per quoscumque Judices ordinarios, & delegatos, etiam Causarum Palatii Apostolici Auditores, judicari, & definiiri debere, ac ir-

ritum, & inane, si secus super his a quocumque quavis auctoritate scienter, vel ignoranter contigerit attentari.

Contrariis derogat.

§.6. Non obstantibus Constitutionibus, & Ordinationibus Apostolicis, necnon, quatenus opus sit, dictae Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem, sub Annulo Piscatoris, die 11. Augusti 1655. Pontificatus nostri Anno I.

Dat. die 11.
Aug. 1655.
An.I.

XXVIII.

Commissio Nuncio Franciae, ut Monasterium Monialium Sancti Menulphi Ordinis Sancti Benedicti, ac septem Prioratus ab illo dependentes, quae Sedi Apostolicae subjacent, per se, vel alium, seu alios visitet.

Ex Regest. in Secret. libro.

Ven. Fratri Nicolao Archiepiscopo Athenarum apud charissimum in Christo filium nostrum Ludovicum Francorum Regem Christianissimum nostro, & Apostolicae Sedis Nuncio.

ALEXANDER PAPA VII.

Ven. Frater salutem, & Apostolicam benedictionem.

§.1. Cupientes, ut in Monasterio Monialium Sancti Menulphi Ordinis Sancti Benedicti Bituricensis Diocesis, quod, ut dilecta in Christo filia Maria Constantia Duple d' Auxelle illius Abbatisse asserit, una cum septem Prioratibus, quorum ipsum Monasterium Caput est, & cum quibus quandam veluti Congregationem singulis annis suum Capitulum Generale a multis ab hinc seculis inibi celebrari solitam componit, Apostolicae Sedi immediate subiectum existit, necnon in septem Prioratibus hujusmodi ecclesiastica, regularique disciplina, ubi collapsa est, restitatur, & ubi conservata est, constantius perseveret, supplicationibus ejusdem Mariae Constantiae Abbatisse nomine Nobis super hoc humiliter porrectis inclinati, fraternitati tuae, de cujus integritate, fide, prudentia, & Catholicae Religionis zelo plurimum in Domino confidimus per praesentes committimus, & mandamus, quatenus per te, vel alium, seu alios, quem, seu quos ad id duxeris deputandum, seu deputandos, Monasterium, ac septem Prioratus

Nuncio Francie amplius facultatem visitandi Monast. Mon. S. Menulphi elargitur.

Contraria resellit.

tus hujusmodi, eorumque Abbatissam, Priorissas, Moniales, & personas quascumque respective, tam in capite, quam in membris semel tantum, auctoritate nostra Apostolica visites, ac in eorum statum, consuetudines, vitam, mores, ritus, & disciplinam tam conjunctim, quam divisim diligenter inquiras, necnon Evangelicam, & Apostolicam doctrinam, Sacrorumque Canonum, & Generalium Conciliorum, & praesertim Tridentini Decretis, ac Sanctorum Patrum traditionibus, regularisque Ordinis praedicti institutis inhaerendo, quaecumque mutatione, correctione, emanatione, renovatione, revocatione, ac etiam ex integro editione indigere cognoveris, reformes, mutes, corrigas, ac etiam de novo condas, condita Sacris Canonibus, & Concilii Tridentini decretis, regularibusque institutis praedictis non repugnancia, confirmas, abusus quoscumque tollas, bonas, & laudabiles institutiones, ac in primis divinum cultum, monasticamque disciplinam, & observantiam regulares ubicumque exciderint, modis congruis restituas, si aliquas personas in aliquo delinquentes repereris, illas juxta Canonicas Sanctiones, & regularia dicti Ordinis Instituta punias, & castiges; Contradictores quoslibet, & rebelles, eisque auxilium, vel favorem publice, vel occulte, directe, vel indirecte quovis quaesito colore, ingenio, vel praetextu praestantes cujuscumque dignitatis, status, gradus, Ordinis, & conditionis extiterint per censuras, & poenas Ecclesiasticas, aliaque opportuna juris, & facti remedia compescas, ac alia in praemissis, & circa ea necessaria, seu quomodolibet opportuna facias, dicas, geras, & exequaris; Super quibus omnibus, & singulis plenam, liberam, & amplam Tibi facultatem earumdem tenore praesentium concedimus, & impertimur.

§.2. Mandantes propterea omnibus, & singulis, ad quos spectat, ut Tibi in praemissis omnibus prompte pareant, & obediant, tuaque salubria monita, & mandata humiliter suscipiant, & efficaciter adimplere curent, alioquin sententiam, sive poenam, quam rite tuleris, seu statueris, in rebelles ratam habebimus, & faciemus auctore Domino usque ad satisfactionem condignam inviolabiliter observari.

§.3. Volumus autem, ut si quae graviora in hujusmodi visitatione repereris, seu a Te deputandus, vel deputandi repererit, seu repererint, illa, necnon informationes omnes desuper sumendas sub tuo sigillo clausas ad Nos quam primum diligenter transmittas, ut, quod in illis statuendum fuerit, matura consultatione adhibita discernamus.

Contraria resellit.

§.4. Non obstantibus Apostolicis, ac in universalibus, provincialibusque Conciliis editis generalibus, vel specialibus Constitutionibus, & Ordinationibus, necnon Monasterii, & Prioratus hujusmodi, etiam juramento, confirmatione Apo-

stolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores, praesentibus pro plene, & sufficienter expressis, ac de verbo ad verbum, insertis habentes, illis alias in suo robore permansuris, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem, sub Annulo Piscatoris, die 14. Augusti 1655. Pontificatus nostri Anno I.

Dat. die 14.
Aug. 1655.
An.I.

XXIX.

Innovatio literarum Innoc. X. quod Commendatarii Monasteria Ord. Cisterciensis in Commendam obtinentes, nullam in Monasteria sibi commendata, quoad eorum Monachos, jurisdictionem exercent.

ALEXANDER PAPA VII.

Ad futuram rei memoriam.

Exponi Nobis nuper fecerunt dilecti filii Nicolaus Dunin Ord. Cisterciensis in Regno Poloniae Vicarius, & Visitator Generalis, ceterisque Coabbates dictorum Ordinis, & Regni per suum in Romana Curia Procuratorem, quod a fel. rec. Innocentio Papa X. Praedecessore nostro, ad instantiam dilecti filii Claudii Abbatis Generalis ejusdem Ordinis de mense Septembris anni proxime praeteriti 1654, emanarunt in simili forma Brevis literae tenoris sequentis, videlicet.

Supplicatio.

§.1. Innocentius Papa X. Ad futuram rei memoriam. Pastoralis officii Nobis diutius commissi partes esse cognoscimus, ut Religiosorum virorum in humilitatis spiritu sub suavi religionis jugo Altissimi obsequiis mancipatorum commodis, & felici directioni intendentes, illos a dispensationibus quibuslibet, quantum Nobis ex alto conceditur, asseramus. Sane pro parte dilecti filii Claudii Abbatis Generalis Ord. Cisterciensis per ejus Procuratorem Nobis nuper expositum fuit, quod licet peculiaris Ordinis praedicti privilegia a quampulcherrimis Romanis Pontificibus, & signanter a fel. rec. Pio II., Sixto V., Innocentio VIII., Pio IV., Pio V., & Gregorio XIII. Praedecessoribus nostris concessa, & confirmata respective disponant, declarent, quod Commendatarii Monasteria dicti Ordinis in Commendam obtinentes, nullam in Monasteria sibi commendata quoad eorum Monachos jurisdictionem exercent, sed visitatio ad Abbatem Cistercii, & quatuor primiores quemlibet in sua generatione juxta formam antiquorum privilegiorum pertinent, ac Monachi ipsorum Monasteriorum Commendatarum dictum Abbatem

Recentes literas Innoc. X. Consi. 59.

tem Cistercii, & primos quatuor, ac eorumdem Commissarios ad eandem visitationem recipere, & in eorum manibus professionem emittere debeant: Commendarii vero ne quempiam propter delictum eiciant, sed quotiescumque Monachi quid admiserint, quod quidem animadversione dignum sit, id quamprimum Priori claustrali, vel Commissario significant, qui correctionem iuxta Ordinis prædicti statuta faciat, ac demum Prior, & Subprior in iisdem commendatis, seu commendandis Monachis. Officiales spirituales, & temporales d. Ordini, professi, & non seculares per Commendatarios, etiam si S. R. E. Card. fuerint, instituantur, & præterea Sacri Conc. Trid. decreto sess. 25. cap. 20. statutum reperitur, ut Priores claustrales, aut in Prioratibus Conventum habentibus Superiores, qui correctiones, & spirituale regimen exercent, a Capitulis Generalibus, vel ipsorum Ordinum Visitatoribus instituantur; ac in super a Congregatione Venerabilium Fratrum nostrorum ejusdem S. R. E. Cardinalium negotiis, & consultationibus Episcoporum, & Regularium præposita resolutiones præmissis, ac Constitutionibus Apostolicis innixæ emanaverint die 2. Augusti 1647. quibus tunc existenti nostro, & Sedis Apostolicæ in Regno Poloniae Nuncio injunctum fuit ut serio invigilaret ne Commendatarii hujusmodi, & signanter dilectus pariter filius Alexander Dönhoff Commendatarius Monasterii Andreovienfis, Ordinis prædicti, Cracovien. Diocesis, circa Officialium electiones, vel circa Monachorum vitam, & mores, ceteraque Institutum Regulare spectantia se ingererent: nihilominus iidem Commendatarii passim, & in primis prædictus Alexander Dönhoff in vim literarum super eorumdem Monasteriorum, Commendis expeditarum in quibus hujusmodi Monasteriorum cura, regimen, & administratio tam in spiritualibus, quam temporalibus plenarie committitur, prætentur jus instituendi, ac destituendi Priores, & Officiales claustrales, visitandi, statuendi, ordinandi, & exercendi ea, quæ Institutum regulare contingunt: eorumdemque Commendatariorum nonnulli non contenti redditibus, ac fructibus, quorum majorem partem ex opulentioribus dicti Ordinis Monasteriis colligunt, in alienam insuper messem veluti in electiones, & depositiones Priorum, & Subpriorum, aliorumque Officialium, ac etiam in visitationes, & Monachorum correctiones falcem mittere præsumentes prædicta privilegia, & Constitutiones Apostolicas contemptui habentes in grave ejusdem Claudii Abbatis immo universi Ordinis prædicti jurium præjudicium; quare idem Claudius Abbas Nobis humiliter supplicari fecit, ut in præmissis opportune providere, de benignitate Apostolica dignaremur.

Statuit Commendatarios nullam apud

§.2. Nos igitur dictum Claudium Abbatem specialibus favoribus, & gratiis prosequi volentes, & a quibusvis excommuni-

cationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de prædictorum Cardinalium consilio inherentes præallegatorum Romanorum Pontificum Prædecessorum nostrorum privilegii Ordini Cisterciensi hujusmodi concessis, ac decreto ejusdem Sacri Conc. Trident., & resolutionibus aliis desuper factis, Apostolica auctoritate, tenore præsentium, declaramus, decernimus, ac statuimus non licere Commendatariis, Priores, Subprios, aut Officiales claustrales instituire, ac destituere, visitare Monachos, eosdemque corrigere, nec facultates eisdem in Literis Apostolicis concessas, & expressas, prout supra, ad ea, quæ Institutum Regulare concernunt, ac tenore prædictorum privilegiorum, ac Sacri Concilii dispositione Monastico regimini relinquuntur, trahi posse, ac debere.

§.3. Ideoque dilectis filiis nostris, & Sedis prædictæ Nunciis, five etiam locorum Ordinariis, vel dicti Ordinis Conservatoribus per eisdem presentes injungimus, ut quotiescumque requisiti fuerint ab hujusmodi vexationibus, ac violentiis manifestis Commendatariis pro censuris, & alia juris remedia, invocato etiam, si opus fuerit, brachii secularis auxilio, cohibeant, & compescant, salva semper in præmissis auctoritate Congreg. eorumdem Cardinalium.

§.4. Decernentes præsentis literas semper firmas, validas, & efficaces existere, & fore, ac ab omnibus ad quos spectat, & pro tempore spectabit, inviolabiliter observari; sicque in iisdem præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiiri debere, ac irritum, & inane, quidquid secus super his a quocumque quavis auctoritate scienter, vel ignoranter contigerit attentari. Non obstantibus præmissis, ac rec. mem. Bonifacii Papæ VIII. de una, & in Concilio edita de duabus dietis, dummodo ultra tres dietas aliquis auctoritate præsentium in iudicium non trahatur, aliisque Apostolicis, ac in Universalibus, Provincialibusque Conciliis editis generalibus, vel specialibus Constitutionibus, & Ordinationibus, necnon prædicti Ordinis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, & innovatis. Quibus omnibus, & singulis illorum tenores præsentibus pro plene, & sufficienter expressis habentes, illis aliis in suo robore permanentibus, ad præmissorum effectum specialiter, & expresse derogamus, cæterisque contrariis quibuscumque.

Præsentis confirmat, & contrariis derogat.

Vo-

Transumptum fidei.

Volumus autem, quod præsentium transumptis, etiam impressis, manu alicujus Notarii publici subscriptis, & sigillo personæ in dignitate ecclesiastica munitis, eadem prorursus fides in iudicio, & extra adhibeatur, quæ præsentibus ipsis adhibetur, si forent exhibitæ, vel ostensæ.

Innovat præsentis Literas.

Datum Romæ apud S. Mariam Majorum sub Annulo Piscatoris die 25. Septembris 1654. Pontificatus nostri Anno X.

§.5. Cum autem, sicut eadem expositio subiungebat, ante completam præinsertam Literarum hujusmodi executionem obitus ejusdem Innocentii Prædecessoris supervenerit, proindeque cupiant iidem exponentes pro firmiori earundem præinsertarum Literarum subsistentia illas auctoritate nostra Apostolica confirmari: idcirco Nos eisdem exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humilliter porrectis inclinati, de Veterab. Fratrum nostrorum, S. R. E. Cardinalium negotiis, & consultationibus Episcoporum, & Regularium præpositorum consilio, præinsertas dicti Innocentii Prædecessoris Literas cum omnibus & singulis in eis contentis, Apostolica auctoritate, tenore præsentium confirmamus, & approbamus, illisque inviolabilis Apostolicæ firmitatis robur adiicimus, ac omnes, & singulos, tam juris, quam facti defectus, si qui desuper quomodolibet intevererint, supplemus. Decernentes præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, & ab omnibus, & singulis, ad quos spectat, & pro tempore spectabit inviolabiliter observari; sicque per quoscumque Judices ordinarios, & delegatos, etiam causarum Palatii Apostolici Auditores judicari, & definiiri debere, ac irritum, & inane si secus super his a quocumque quavis auctoritate scienter, vel ignoranter contigerit attentari. Non obstantibus omnibus, & singulis illis, quæ idem Innocentius Prædecessor in dictis suis Literis præinsertis voluit non obstare, cæterisque contrariis quibuscumque.

Dat. die 26. Aug. 1655. An. 16.

Datum Romæ apud S. Mariam Majorum sub Annulo Piscatoris die 26. Augusti 1655. Pontificatus nostri Anno I.

XXX.

Concessio Privilegiorum pro nonnullis suis Familiaribus.

ALEXANDER PAPA VII.
Venerabilibus Fratribus Hieronymo Farnese Patravensi Palatii nostri Præfeto, Julio Bull. Rom. Tom. VI. Par. IV.

Rospiglioso Tarsensi Secretario Status, Hieronymo Bonvisio Laodicea Archiepiscopo Cubiculi nostri Præfeto, necnon dilectis filiis Magistro Gualterio Gualterio Leodiensi in utraque Signatura nostra Referendario, Brevium nostrorum Secretorum Secretario. Magistro Stephano Ugolino Romano in utraq. Signatura nostra Referendario, Auditori nostro. Magistro Francisco Maria Phabeo Urbevetan. in utraque Signatura nostra Referendario, Magistro Cæremoniarum. Mag. Jacobo Altonio Florentin. in utraque Signatura nostra Referendario, Prælati nostris domesticis, Ambrosio Landuccio Senen. Ordinis Fratrum Eremitarum S. Augustini, Congregationis II. Licetanae professoris, Sacarii nostri Præf. Celio Piccolomineo Senen. Libellorum supplicum Nobis porrectorum Secretario, & Cubiculario intimo nostro, Clementi Accuriso Senen. Fratris Militi Hospitalis Sancti Joannis Hierosolymitani Pincerna, Angelo de Ciaja Senen. Fratris etiam Militi ejusdem Hospitalis Archiducis, Jacobo Philippo Ninio Senensi, Natali Rondanino Romano Secretario literarum nostrarum in forma Brevis ad Principes, Michaeli Angelo Boncio Clasin. Vestuario, Mathie Naldo Senen. Medico, Ferdinando Eustenberg Westphalo, Jacobo de Maximis Romano, Julio Cino Collesi, Alexandro Rinuccino Florentino, Antonio Francisco Ferrino Romano Elemosynario Cubiculariis etiam intimis nostris, Dominico Salvetto Nucerin. Notarum Arcanarum Secretario, Francisco Cristaldo Neritonem. Crucifero, & Cappellano secreto nostro, Riccardo Cruciano, Joanni Creveo Hyberno, Joanni Baptista de Acquisiti Cappellani etiam secretis nostris, Josepho Cruciano Magistro Demas nostra, Flaminio Valla Rbergien. Cubiculi nostri Adjutori, Antonio Orca Civitatis Plebis, Georgio Missallo Bambergensi, Dominico Viva Urbevetan. Cubiculi nostri pariter Adjutoribus, ac Carolo Boschetto Senen. Civitatum, vel Diocesum respective Custodi Picturaram, Clericis, seu Presbyteris Familiaribus, & continuis Commensalibus nostris salutem, & apostolicam benedictionem.

Circumspecta Romani Pontificis gratiarum dispensatoris providentia devotos, & fideles suos, illos præsertim, qui grata familiaritatis obsequia jugiter ei impendunt, ac quos ad id aliis propria virtutum merita commendant, honoris, & famæ amplioribus præconiis, & præclaris dignitatum titulis decorare, & ornare, necnon specialis benevolentia favoribus amplecti solet, prout personarum qualitatibus conspici convenite.

§.1. Hinc est, quod Nos ad grata familiaritatis obsequia, quæ vos, qui etiam continui commensales nostri existitis, & quilibet vestrum Nobis hæctenus impendistis, & adhuc sollicitis studiis impendere non desistitis, necnon ad vitæ, ac morum honestatē.

Exordium

Familiares a censuris absolventur.

nestatem, aliaque laudabilia probitatis, & virtutum merita, quibus personas vestras etiam familiari experientia juvari percepimus, condignam rationem habentes, & propterea easdem personas vestras peculiaris favoris gratia, ac specialis honoris, & excellentiae dignitatis titulo sublimare volentes, vosque, & quemlibet vestrum a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existitis, ad effectum praesentium dumtaxat consequendum harum serie absolventes, & absolutos fore censentes.

Not. Apoll. Comites, Equites, Nobiles creat.

§.2. Motu proprio, non ad vestram, vel alterius pro vobis super hoc oblata petitionis instantiam, sed de mera liberalitate, & certa scientia nostris, ac de Apostolica potestate plenitudine vos, & quemlibet vestrum respective in Nostros, & Sedis Apostolicae Notarios [sine tamen praedictio dilectorum filiorum Notariorum de numero participantium] Apostolica auctoritate tenore praesentium recipimus, ac Sacri Palatii, & Aulae Lateranensis Comites, necnon Auratae Militiae Equites, ac Nobiles Romanos, & Urbis Romae, ac Civitatum Avenionensis, Bononienensis, Ferrariensis, & Beneventanae, omniumque, & singularum aliarum Civitatum, Terrarum, & Locorum Romanae Ecclesiae mediate, vel immediate subsectorum Cives. cum omnibus juribus, jurisdictionibus, praerogativis, & insignibus debitis, & confectis creamus, ac constituimus, ac in numerum, & consortium aliorum nostrorum, & ejusdem Sedis Notariorum, necnon Palatii, & Aulae hujusmodi Comitum, Equitum, & Nobilium Romanorum, aliorumque Civium Civitatum, & Terrarum praedictarum referimus, & conscribimus.

Privilegia gaudere decet.

§.3. Vobisque etiam si habitum, rochetum Notariorum distae Sedis juxta Decreta Lateranensis Concilii novissime celebrati non deferatis, aut Civitates hujusmodi non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, facultatibus, exemptionibus, immunitatibus, libertatibus, favoribus, gratiis, & indultis, quibus caeteri omnes Notarii nostri, etiam de numero participantium, ac Comites, Equites, & Nobiles; citra tamen exemptiones a Concilio Tridentino sublatas, ita ut nedum quoad criminalia, sed etiam quoad civilia subjaceatis Ordinariis, & citra facultates legitimandi, ad gradus promovendi, Notarios, seu Tabelliones creandi, aliaque hujusmodi privilegia a Notariis, & Comitibus praedictis praetensa, ita ut illis uti nullibi valeatis, ac irritum, & inane existat, quicquid fecus per vos, aut quemlibet vestrum respective attentari contigerit.

Privilegia ex. tendit.

§.4. Necnon Cives originarii, etiam in dignitate, beneficiorum, & officiorum Ecclesiasticorum, ac secularium,

etiam ex personis Romanorum Civium originarium vacantium asecutione, & exercitio, tam in Urbe, quam in omnibus, & singulis Civitatibus praedictis, & aliis ubique locorum, & gentium, necnon sessionum, & Conventuum utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed pariformiter, & aequae principaliter, ac si privilegia, facultates, exemptiones, gratiae, & indulta hujusmodi pro vobis emanassent, uti, potiri, & gaudere, ac in omnibus, & singulis Apostolicis, aliisque literis, instrumentis, & scripturis publicis, & privatis deinceps nomine vestro conficiendis vos Notarios, Comites, Equites, & Nobiles, ac de nobili genere ex utroque parente procreatos, necnon Romanos, & aliarum Civitatum, & Terrarum praedictarum Cives prout libuerit inscribere, & vos illis subscribere valeatis, & pro veris, & non fictis Notariis, Comitibus, Equitibus, & Nobilibus, ac Civibus habeamini, nihilque qualecumque illud fuerit cum iis supplicationibus subreptitium, aut obreptitium, vel invalidum, sed illud idem efficax in omnibus censetur, necnon honoris causa insigni gentis nostrae, sive integre, sive cum vestris respective composita gestare possitis, prout vobis placuerit, concedimus.

Eisdem a solutione oneris eximiat.

§.5. Et insuper vos, vestraque beneficia, & officia Ecclesiastica quaecumque, illorum fructus, res, & jura ubicumque Locorum, Regnorum, & Provinciarum, necnon in Urbe, Civitatibus, Terris, & Locis eidem Romanae Ecclesiae mediate, vel immediate subjectis consistantia praedia, domos, possessiones, & bona patrimonialia, aliaque temporalia mobilia, & immobilia, & semoventia, necnon actiones, & jura praesentia, & futura cujuscumque qualitatis, quantitatis, & naturae, & cujusvis etiam annui valoris, fructus, redditus, & proventus hujusmodi sint, vel fuerint, ac etiam quaecumque a vobis vendenda, ac pro vestris, & familiarium vestrorum usibus emenda ab omnibus, & quibuscumque, decimis, quartis, & dimidiis partibus, subdiis etiam charitativis, necnon vestigalibus, portoriis, tributis, datis, pedagiis, collectis, & quocumque alio nomine nuncupatis angariis, perangariis, caeterisque oneribus, & contributionibus, tam urbanis, quam rusticis, ordinariis, & extraordinariis, realibus, personalibus, & mixtis, etiam ratione munitionum moenium, & pontium, portarum, & molinarum, & mercium cujuscumque generis transitus, seu passus, & vestrae, etiam in aliud territorium, seu provinciam, terra, mari, & flumine, necnon equorum mortuorum, stabulationum militum, institutionis Seminarii Ecclesiastici, aut quacumque alia quantumvis gravi, & gravissima causa (pro subventionem contra infideles dumtaxat excepta) nunc, & pro tempore impostis, ita quod vos, & quilibet vestrum nihil omnino horum, aut aliorum similium subire teneamini,

Ad quaecumque duo dissimilia, vel simplicia similia obtinenda dispensat.

mini, nec per Camerae Apostolicae, aut alios Commissarios, seu vestigalium, & tributorum hujusmodi redemptores, conductores, & exactores quocumque privilegio, exemptione, & facultate suffultos alias quam, ut praefertur, valeatis coartari (quandiu servitiis nostris insisteritis dumtaxat) eximimus, & liberamus.

§.6. Ad haec vobiscum, & cum quolibet vestrum respective, ut quaecumque, duo dissimilia, vel simplicia similia sub singulis tribus testis, quarumcumque trium Cathedralium, etiam Metropolitanarum, aut aliarum etiam Collegiarum Ecclesiarum consistentia, etiam si unum ex illis omnibus cum cura, aut dignitate, etiam major, & principalis, canonicatus, & praebenda, personatus, administratio, vel officium fuerit, & ad dignitatem, personatum, administrationem, vel officium hujusmodi consueverit quis per electionem, assum, eique cura etiam jurisdictionalis imminet animarum, si alicui vestrum alias canonice conferatur, aut quiscumque vestrum eligatur, praesentetur, aut alias assumatur ad illa, & instituantur in eis, recipere, & dummodo illa omnia (uno excepto) personalem residentiam non requirant, insimul quoad vixeritis, retinere.

§.7. Necnon etiam quandiu Nobis inservieritis tantum in beneficiis Ecclesiasticis etiam Curatis, non tamen Parochialibus, nec Curatis cura animarum Parochianorum, per vos pro tempore respective obtentis, etiam de jure, statuto, fundatione, vel privilegio personalem residentiam requirentibus, etiam si dignitates in Cathedralibus, etiam si in Metropolitanis Majoribus, ac Collegiatis Ecclesiis hujusmodi principales fuerint, personaliter residere non teneamini, nec ad id per locorum Ordinarios, aut Ecclesiarum earundem Capitula, seu quovis alios ad residendum interim in illis invitati compelli possitis, omnesque, & singulos vestrorum beneficiorum obtentorum fructus, redditus, & proventus, durante servitio praedicto, cum ea integritate (distributionibus quotidianis dumtaxat exceptis) cum qua illos perciperetis si in eisdem Ecclesiis, sive locis personaliter resideretis, percipere, exigere, & levare.

Ad omnes ordines promovet valeant.

§.8. Ac interim, vel postmodum si volueritis hic in Rom. Cur. vel extra eam a quocumque malueritis Catholico Antifite gratiam, & communionem ejusdem Sedis habente, quem duxeritis eligendum, ad omnes etiam sacros, & Presbyteratus ordines aliquibus tribus Dominicis, vel aliis festivis diebus etiam extra tempora a jure statuta, proprii Ordinarii, aut cujusvis alterius licentia desuper minime requisita, si alias idonei ad id reperti fueritis (super quo Antifitis conscientiam oneramus) promovet, & promoti in illis, etiam in Altaris ministerio ministrare.

Leges audire & advocati officium possunt exercere.

§.9. Necnon etiam si Presbyteri fueritis, ac dignitates, & officia obtinueritis, leges, & jura civilia etiam publice in Schola, Bull. Rom. Tom. VI. Par. IV.

lis, & Universitatibus studiorum generalium ad quinquennium dumtaxat, dummodo trigessimus aetatis annum non exceperitis, audire, & si habiles, & sufficientes reperti fueritis etiam ad Doctoratus gradum in hujusmodi facultate vos promoveri facere, ipsaque jura etiam publice docere, atque Judicis, Advocati, & Procuratoris officium in causis Ecclesiasticis civilibus tantum exercere libere, & licite possitis, & valeatis, auctoritate, & tenore praedictis de specialis dono gratiae dispensamus.

Confessarium eligere possunt.

§.10. Licet quoque vobis, & cuilibet vestrum aliquem idoneum, & approbatum ab Ordinario Presbyterum secularem, vel cujusvis Ordinis regularem in vestrum eligere Confessorem, qui vita cujuslibet vestrum comite vos, & quemlibet vestrum a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, & per vos incurfis, & quibus vos etiam Apostolica auctoritate illaqueari contigerit, etiam si absolutio Nobis, & Successoribus nostris Romanis Pontificibus pro tempore existentibus specialiter, vel generaliter reservata existat, & quorumcumque votorum, & Ecclesiae praecceptorum transgressionibus, homicidi casualis, manuum violentarum in quavis personas etiam ecclesiasticas (non tamen Episcopos, vel alios Superiores Praelatos) de praeterito injectionibus, seu consilii, vel favoris ad id praestationibus, juniorum omissionibus (non tamen recitationis horarum Canoniarum, aliorumque Divinorum Officiorum) & denique ab omnibus, & quibuscumque aliis vestris peccatis, criminibus, & excessibus, ac delictis quantumcumque gravibus, & enormibus, etiam talibus, propter quae Sedes praedicta merito consulenda foret, videlicet a contentis in literis die Coenae Domini publicari consuetis, semel tantum in vita, & mortis articulo: in reliquis vero distae Sedi quomodocumque reservatis, aliisque quibusvis casibus semel in anno, confessionibus vestris diligenter auditis) sine tamen alicujus praedictio auctoritate Apostolica absolvere, & vobis pro commissis poenitentiam injungere salutarem, necnon vota quaecumque (ultramano, visitationis Iiminum Beatorum Apostolorum Petri, & Pauli, castitatisque, ac religionis votis dumtaxat exceptis) in alia pietatis opera commutare valeat.

Pensionem usque ad summam 300. duc. auri de Cam. etiam in mortis articulo transferre possunt.

§.11. Vobisque ulterius, & quibuscumque vestrum respective, ut quicumque loci Ordinarii, vel Canonici Metropolitanarum, seu aliarum Cathedralium Ecclesiarum, aut personae in dignitate Ecclesiastica constitutae tam in dicta Curia, quam extra eam ad id per vos respective coram Notario, & testibus fide dignis eligendi, seu eligendae, quascumque pensiones annuas vobis super mensarum Abbatialium, seu Capitularium, ac Episcopialium, & Archie.

Archiepiscopatum, ac quorumcumque aliorum beneficiorum Ecclesiasticorum, cum cura, & sine cura, secularium, & quorumvis Ordinum, & Militiarum regularium, etiam Hospitalis Sancti Joannis Hierosolymitani predicti quomodocumque, & qualitercumque qualificatorum, fructibus, redditibus, proventibus, juribus, obventionibus, & distributionibus etiam quotidianis, seu illarum loco fructus, redditus, proventus, jura, obventiones, distributiones, & emolumenta vobis nunc, & pro tempore assignata, & reservata, ac reservanda, pro summa videlicet trecentorum ducatorum auri de Camera, quoad singulos vestrum quomodocumque alicui vestrum respective placuerit, simul, vel successive, in toto, vel in parte etiam in cujuslibet vestrum mortis articulo cessare, & extinguere, ac postquam cessata, & extincta fuerint, alias similes pensiones annuas super eisdem fructibus, redditibus, proventibus, juribus, obventionibus, & distributionibus, seu illarum loco fructus, redditus, proventus, jura, obventiones, distributiones, & emolumenta hujusmodi usque ad summam, & quantitatem predictam uni, vel pluribus aliis personis etiam per vos nominandis, etiam quacumque, quotcumque, & qualiacumque beneficia Ecclesiastica obtinentibus, & expectantibus Clericis, seu Clericali characterem insigniri volentibus, etiam eis quoad vixerint, seu eorum Procuratoribus ad id speciale ab eis mandatum habentibus iisdem modo, & forma, quibus vobis assignata, & reservata, seu assignata, & concessa fuerint respective, etiam absque consensu eisdem pensiones solvere debentibus, etsi illas, vel illa alias cassari, & reservari de novo faciendi facultatem non habueritis, ac pensiones, & fructus, redditus, proventus, jura, obventiones, ac distributiones, & emolumenta hujusmodi, etiam si pluries cassata, & de novo assignata fuerint, usque ad summam, & quantitatem predictam, etiam Literis Apostolicis super reservationibus, & assignationibus hujusmodi non confectis, ac alias cum omnibus, & quibuscumque exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & poenis in prioribus reservationibus hujusmodi concessis, & contentis, necnon cum subrogatione in quibusvis vestris juribus etiam quoad quasi possessionem exigendi, in qua tunc eritis, integre persolvendas, servata tamen forma Constitutionis sel. rec. Urbani Papae VIII. Praedecessoris nostri quoad excessum medietatis fructuum, reservare, constituere, & assignare valeant, auctoritate, & tenore predictis de speciali gratia indulgemus.

Testandi, & quomodocumque disponendi per scripturam usque ad sum-

§.12. Necnon etiam vobis, ut de omnibus, & singulis domibus, praediis, possessionibus, terris, & locis, ac jurisdictionibus, caeterisque bonis mobilibus, & immobilibus, quae tamen non sint Altaris, seu

Altarium Ecclesiarum vobis commissarum ministerio, seu alicui speciali earundem Ecclesiarum divino cultui, seu usui deputata, seque moventibus quuscumque qualitates, quantitatis, valoris, speciei, pretii, & conditionis existentibus, ac juribus, & actionibus ad vos ratione Ecclesiarum, etiam Cathedralium, etiam Metropolitanarum, quibus vos praesse forsitan contigerit, necnon Monasteriorum, Prioratum, Praepositarum, Dignitatum, & aliorum quorumcumque beneficiorum Ecclesiasticorum cum cura, & sine cura, secularium, & quorumvis Ordinum regularium, quae etiam ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinueritis, obtinetis, & obtinebitis, ac fructuum, reddituum, & proventuum Ecclesiarum loco pensionum annuarum super similibus fructibus, redditibus, & proventibus vobis reservatorum, & assignatorum, ac reservandorum, & assignandarum, quos, & quas perceperitis, percipitis, & percipietis in futurum, necnon emolumentorum quorumcumque Romanae Curiae Officiorum, & alias quomodolibet spectantibus, & pertinentibus, ac etiam de dictis proventibus, fructibus, redditibus, & pensionibus annuis, necnon vestra, & cujuslibet vestrum industria, & labore quomodolibet, & undecumque, licite tamen acquisitis, & acquirendis, ac alias etiam de muneribus, & officiis, quae exercueritis, & vos exercere contigerit, & alia quavis occasione, vel causa, seu contemplatione ad vos perventis, & perventuris, etiam si in pecuniam numerata, & jocalibus, gemmis, aliisque pretiosioribus rebus consistant, tam in dicta Curia, quam extra eam ubique locorum, & penes beneficia ipsa existentibus, quorum omnium qualitates, & veros etiam annuos valores, etiam si talia forent, quae generali appellatione bonorum, & suppellectilium non venirent, sed specialibus indigerent vocabulis, presentibus, ac si specificis, & sigillatim exprimerentur, & denominarentur pro sufficienter expressis, ac declaratis haberi volumus, usque ad summam sex millium ducatorum auri de Camera, ac etiam de ipsis fructibus, redditibus, & proventibus, & pensionibus debitis, & debendis (servata tamen forma Constitutionum Apostolicarum jam editarum, & si quas deinceps edi contigerit super fructibus inexactis) etiam cumulative cum quibusvis aliis similibus, vel dissimilibus facultatibus habitis, & habendis tam pro decentibus, & honestis impensis funebribus, quam etiam pro remuneratione illorum, qui vobis viventibus servaverint, etiam ultra servitii meritum, ac in vestrorum consanguineorum, & affinium, ac quorumcumque piorum locorum favore, & usum, ac alias pro arbitrio, & voluntate vestris, & cujuslibet vestrum absolutis testari, & testamento, codicillis, fideicommissis, legatis, donationibus tam inter vivos, quam

man sex millium duc. postest.

causa mortis, & aliis quibuscumque modis, & titulis, scriptura etiam minus solemniori coram duobus vel tribus testibus, aut etiam cedula sola manu vestra scripta, vel subscripta, & alias in omnibus, & per omnia prout, & quomodolibet vobis videbitur, etiam in ipsa Curia, & in mortis articulo, etiam nulla facta mentione presentis, vel aliarum vobis pro tempore concessarum similium facultatum, aut quod in vim illarum testari, seu disponere velitis, & intendatis semel, atque iterum, aut pluries disponere, statuere, & ordinare, ita ut quidquid testatum, gestum, aut ordinatum, seu alias dispositum a vobis fuerit, etiam in vim simplicis distributionis, ac alias omni meliori modo valeat, & servari debeat, ipsaque testamenta, codicillos, dispositiones, ordinationes, legata, & statuta pluries, ac toties quoties vobis videbitur, moderari, limitare, ac etiam in totum revocare, & alia de novo edere libere, & licite valeatis, auctoritate Apostolica, earundem tenore presentium plenam, & liberam concedimus facultatem.

Defectus quos cumq; in predictis supplet.

§.13. Et insuper statuimus, & ordinamus, vobisque indulgemus, quod si vos ab intestato, & sine ulla, vel minus valida bonorum, & rerum, ac fructuum, reddituum, & proventuum praedictorum dispositione in dicta Curia, vel extra eam, tam continua, quam interpolata inibi cujuslibet vestrum respective mansione, ac etiam extra vestra beneficia, vel alia loca debita a vobis residentie personalis, etiam nulla subsistente causa, ab humanis decedatis, omnia, & singula bona, res, & jura etiam, ut praefertur, qualificata, necnon spolia, quuscumque quantitatis, & valoris existentia etiam ex praedictis, & alias undecumque provenientia ad Camera Apostolicam, seu in dictis beneficiis Successores non pertineant, sed ad haeredes vestri sanguinis integre deveniant, & illis deficientibus inter familiares vestros arbitrio personae, seu personarum, quas ad id scripto nominaveritis, distribuantur, nisi de alia dispositione, vel intentione vestra scriptura etiam minus solemniori fecerit, quam tunc velut efficacem ipse personae, vel alii iudices, seu executores omnino exequi, & adimplere, illique sese conformare in omnibus, & per omnia debeant: & nihilominus quacumque hujusmodi testamenta, legata, donationes, dispositiones, & alia forsitan a vobis etiam nulla, vel minus sufficienti facultate suffulta de hujusmodi bonis, juribus, & actionibus, fructibus, pecuniis, jocalibus, aliisque rebus supra dictis etiam in favorem consanguineorum, & affinium praedictorum, & alias quomodolibet facta cum omnibus inde sequentibus, ac etiam ea, quae per vos in futurum fient, ex nunc prout ex tunc, & contra pro dicta summa sex millium ducatorum approbamus, & confirmamus, omnesque, & singulos juris, & facti, ac solemnitatum omisarum, & omit-

tendarum, necnon substantiales, aliosque defectus quoscumque, si qui intervenerint, aut intervenerint in eisdem, etiam si tales sint, vel fuerint, quod specialis, & specifica mentio de illis presentibus habenda esset, supplemus.

§.14. Districtius inhibentes quibusvis Archiepiscopis, aut aliis Ecclesiarum Praelatis, necnon Camerae praedictae Praesidentibus, & Clericis, ac eorum, necnon Fabricae Basilicae Principis Apostolorum de Urbe, ac Cruciate sanctae, & aliis Collectoribus, & Subcollectoribus, caeterisque quuscumque dignitatis, status, & conditionis existentibus, etiam quavis auctoritate, & potestate fungentibus sub excommunicationis majoris, aliisque ecclesiasticis sententiis, censuris, & poenis, ne Universitates, Collegia, ac Loca, & legatarios, haeredes, & personas, necnon testamentorum, voluntatum, & ordinationum hujusmodi exequentes praedictos directe, vel indirecte quovis quaesito colore, vel ingenio molestare audeant quoquo modo, vel perturbare.

Molestias quascumque prohibet.

§.15. Ac decernentes praedicta omnia, & singula, praesentisque literas, & testamenta, donationes, codicillos, fideicommissa, legata, ordinationes, derogationes, dispositiones, & alia quacumque, necnon quae in praemissis facta sunt, aut fieri contigerit, tam vigore presentis, quam etiam aliarum concessionum vobis factarum, ac deinceps in genere, & in specie faciendarum, cum inde sequentibus, & sequentibus, etiam si vos intra Curiam, aut quacumque alia mundi parte extra Ecclesias, & beneficia personalem residentiam requirentia, qualitercumque qualificata, per vos nunc, & pro tempore obtenta, etiam pro vestra sola voluntate, & nulla subsistente causa non residentes ab humanis decedere contigerit, sub literis recolenda mem. Pii Papae IV. Praedecessoris nostri contra quoscumque Episcopos, Archiepiscopos, & alios Praelatos, necnon Parochialium Ecclesiarum Rectores, caeterosque residentie personali praedictae adstrictos extra illam quomodocumque decedentes, septimo Kalend. Decembris Pontificatus sui Anno quinto, aut alio veriori tempore emanatis, & sub quibuscumque aliis Constitutionibus aut revocationibus, suspensionibus, limitationibus, modificationibus, decretis, declarationibus Apostolicis, Cancellariae Apostolicae regulis ex quibusvis causis quantumcumque maximis, urgentibus, & inexcogitabilibus, etiam in favorem fidei, & divini cultus augmentum, ac consistorialiter etiam a Nobis, & Sede praedicta haecenus, vel nunc, & pro tempore factis, & editis minime comprehendi, sed semper ab illis excepta, & quoties emanata fuerint, toties in pristinum, & validissimum statum, & etiam sub data posteriori, etiam cum derogationibus, & clausulis etiam derogat. derogatoriis, irritantibusque, & aliis decretis per vos eligenda apponendis, & latissime specificandis, reposta, restituta, & plenarie rein-

Claufula praeservativa.

reintegrata, ac de novo concessa, valida- que, & efficacia fore, necnon perpetua firmitate subsistere, suosque plenarios, & omnes effectus, qui de jure, stylo, consuetudine, aut aliis quomodocumque sortiri poterunt, ac vim veri, legitimi, jurati, stipulati, validi, & efficacis contractus inter vos ex una, ac Nos, & Cameram predictam ex altera partibus habere, nec etiam per promotionem ad Ecclesiam Cathedrali, etiam Metropolitanam, aut translationem, vel aliam status, & personam vestre mutationem; nec per similes, vel dissimiles gratias vobis concessas, & concedendas confundi, sed ipsis cumulative in omnibus, & per omnia uti, & si quid in una ex facultatibus hujusmodi defecerit, per aliam suppleri debere, nec heredes, legatarios, ac loca, ad quos, seu quae bona, jura, & actiones devenient, vel quibus relinquentur, aut exequutores predictos ad tertiam, seu aliam eorum partem (quam etiam ex nunc vobis, ac locis, hereditibus, legatariis, ac donatariis predictis liberaliter concedimus, & donamus) Camera, vel Fabrica, aut Beneficiis predictis etiam pro expeditione contra infideles, & quibusvis aliis quantumlibet piis usibus solvendum, ac cum eis desuper componendum, vel vos ad aliam particularem licentiam, sive indultum, aut confirmationem presentium a Nobis, vel Successoribus nostris Romanis Pontificibus petendum, ac impetrandum, vel etiam in alia simili gratia, seu confirmatione illius vobis quomodocumque concedenda de presenti mentionem aliquam faciendum minime teneri, nec ad id ulla unquam necessitate cogi posse.

Clausula sublata.

§. 16. Et sic in praemissis omnibus, & singulis per quoscumque Judices ordinarios, & delegatos, etiam causarum Palatii Apostolici Auditores, & ejusdem Sanctae Romanae Ecclesiae Cardinales, necnon pro tempore existentes dictae Camerae Camerarium, Praesidentes, & Clericos in quavis causa, & instantia, sublata eis, & eorum cuilibet quavis aliter judicandi, & interpretandi facultate, & auctoritate, iudicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Exequutores designat.

§. 17. Quocirca Venerabilibus Fratribus nostris Hostiensi, & Portuensi Cardinalibus Episcopis, & dilecto filio causarum Curiae Camerae Apostolicae generali Auditori per Apostolica scripta mandamus, motu simili, quatenus ipsi, vel duo, aut unus eorum per se, vel alios praesentes literas, & in eis contenta quaecumque ubi, & quando opus fuerit, ac quoties pro parte vestra desuper fuerint requisiti, solemniter publicantes, vobisque in praemissis efficacis defensionis praesidio assistentes, faciant auctoritate nostra easdem praesentes literas, & in omnibus contenta hujusmodi firmiter observari, ac vos illis omnibus pacifice frui, & gaudere: non permittentes vos per

quoscumque quavis auctoritate fungentes contra earumdem presentium tenorem, quomodolibet indebite molestari, inquietari, vel perturbari; Contadictores quoslibet, & rebelles per sententias, censuras, & poenas Ecclesiasticas, aliaque opportuna iuris, & facti remedia appellatione postposita compescendo, ac legitimis super his habendis servatis processibus, censuras, & poenas etiam iteratis vicibus aggravando, interdictionem Ecclesiasticam apponendo, & quatenus opus sit, invocando auxilium brachii secularis.

Contrarius derogat.

§. 18. Non obstantibus praemissis, ac pia mem. Bonifacii Papae VIII. Praedecessoris pariter nostri de una, & in Concilio generali edita de duabus dietis, dummodo ultra tres dietas aliquis vigore presentium, ad iudicium non trahatur, necnon Lateranensis Concilii novissime celebrati, de certo Notariorum numero, etiam si ad illum nondum devenit fuerit, cui per hoc alias derogare non intendimus, ac de consensu praestando in pensionibus, & quibusvis aliis etiam per Nos, & Sedem praedictam editis, & in posterum edendis Cancellariae Apostolicae regulis, ac stylo in similibus haecenus observato, ac recol. memor. Alexandri Papae VI. etiam Praedecessoris nostri tertiam partem bonorum ecclesiasticorum Camerae praedictae deberi inter alia disponente, necnon ejusdem Bonifacii VIII. per quam concessionem fructus in absentia percipiendi sine praesentione temporis fieri prohibentur, ac pia mem. Pii Papae IV. Praedecessoris pariter nostri de gratiis quaecumque interesse Cam. Apost. concedentibus in dicta Camera intra certum, tunc expressum tempus praesentandis, & registrandis, ita quod praesentes in eadem Camera nullo unquam tempore registrare teneantur, ac similibus re: me. Urb. PP. VIII. Praedecessoris nostri de pensionibus alias translatis iterum non transferendis, ac quorumvis aliorum Romanorum Pontificum Praedecessorum nostrorum, & quibusvis aliis Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon legibus etiam imperialibus, & municipalibus, tam Urbis, quam aliarum Civitatum, & locorum, in quibus Cives originarii creati existitis, & quarumvis Ecclesiarum, Monasteriorum, Ordinum, & Hospitalis praedictorum, necnon quorumvis Collegiorum, & Officiorum dictae Curiae, Regnorum, Provinciarum, & Urbis, ac aliarum Civitatum, & locorum, ac Camerae praedictorum, etiam juramento, confirmatione Apostolica, vel alia quavis firmitate roboratis statutis, & consuetudinibus, stabilimentis, usibus, & naturis, etiam si de illis servandis, & non impetrandis literis Apostolicis contra ea, nec etiam ab alio, vel aliis impetratis, aut aliis quomodolibet concessis utendo vos per vos, vel procuratores vestros praesentiteris forsitan habentibus, vel vos in posterum praestare contigerit

tigerit iuramentum, privilegiis quoque, indultis, & Literis Apostolicis dictis Ecclesiis, Monasteriis, Ordinibus, & Hospitalibus, illorum Praesulibus, seu Oratoribus, & Superioribus, ac Magistris, Praeceptoribus, Prioribus, Militibus, etiam Antianis, Capitulis, Conventibus, Civitatibus, & Locis, aliisque praedictis illorum Communitatibus, Universitatibus, aliisque personis etiam particularibus, necnon Archiepiscopis, Episcopis, & aliis Ordinariis etiam iisdem Cardinalibus, ac dictae Curiae Officialibus, illorumque Collegiis, ac etiam decimarum, pedagogorum, gabellarum, & onerum exactoribus, & appaltatoribus, & aliorum onerum redemptoribus, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis per quoscumque Romanos Pontifices Praedecessores nostros, ac etiam Nos, & Sedem praedictam etiam consistorialiter, ac de eorumdem Cardinalium consilio etiam per modum Statuti, & Constitutionis perpetuorum, ac motu, & scientia similibus, deque Apostolica potestate plenitudine, vel ad Imperatoris, Regum, Reginarum, Ducum, Marchionum, & aliorum Principum instantiam, seu illorum contemplatione in genere, vel in specie, ac alias quomodolibet etiam iteratis vicibus concessis, etiam si in eis, ac statutis, & stabilimentis praesatis caveatur expresse, vel tacite, quod nisi Urbis originarii Civibus Romanis, ac Civium eorumdem filii conferantur; quodque nonnullarum Ecclesiarum beneficia nisi per personas illustres, vel nobiles, ac etiam originarios Cives, aut alias certo modo in illis expresso qualificatos obtineri non possint, & nulli Civis Urbis, ac Civitatum, Oppidorum, Terrarum, & Locorum hujusmodi admitti, seu illarum privilegiis uti possint, nisi prius in dictis Civitatibus, Oppidis, Terris, & Locis per certum tempus habitaverint, seu etiam in illis bona etiam stabilia forsitan ad certum valorem ascendencia possederint, quodque Praeceptorum, & alia beneficia, quaecumque d. Hospitalis, tam ex ejus institutione, quam ex stabilimentorum praedictae dispositione pensionibus Clericis secularibus, & aliis personis, etiam Apostolica auctoritate, reservandis gravari non possint, quodque stabilimentis, & privilegiis praedictis etiam vigore implicitae derogationis latissime extendenda, etiam si per quascumque Literas Apostolicas, & quasvis etiam derogatoriis derogatorias, efficaciores, & insolitas clausulas derogari non possint, nec derogatum censeatur, nisi derogatio hujusmodi de consilio Cardinalium eorumdem fiat, & tum demum Magistri, & Conventus praedictorum ad id accedat assensus, sintque literae derogationis hujusmodi, etiam per dictum Magistrum subscriptae, ac illi, & praedicto Conventui per diversas in forma Brevis, aut alias literas diversis temporibus cum cere

tis intervallis praesentatas intimatae, & non alias, nec alio modo, & semper in omnibus, quae sic fient, etiam de simili consilio derogationibus sit apposita clausula, quod illorum effectum sortiantur de consensu Magistris, & Conventus praedictorum & non alias, nec alio modo: quodque ipsi Exactores, & Appaltatores decimas, pedagias, & onera hujusmodi etiam ab exemptis exigere, & illos ad solutionem, seu contributionem cogere, & compellere, possint, seu debeant. Quibus omnibus illorum omnium tenores, ac si de verbo ad verbum infererentur presentium pro expressis habentes, illis alias in suo robore permanentibus, hac vice dumtaxat in genere, & in specie, ad effectum presentium sufficienter, & expresse derogamus, ac derogatum esse decernimus: quod vos primam non feceritis in Ecclesiis hujusmodi personalem residentiam consuetam, ceterisque contrariis quibuscumque.

Transumptum fides.

§. 19. Volumus autem, quod antequam gratia creationis in nostros, & Sedis Apostolicae Notarios vobis, ut supra, facta perfrui valeatis, in manibus alicujus personae in dignitate Ecclesiastica constitutae professionem fidei juxta articulos praedictae Sede praefata propositos expresse emittere, & solitum fidelitatis iuramentum praestare, omnino teneamini; quodque presentium transumptis, etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides in iudicio, & extra adhibeatur, quae ipsis praesentibus adhiberetur, si forent exhibitae, vel offensae.

Datum Romae apud Sanctam Mariam Majorem, sub Annulo Piscatoris, die 17. Augusti 1655. Pontificatus nostri Anno I.

Dat. die 17. Aug. 1655. An. I.

XXXI.

Moderatio facultatum Rev. Fabricae Basilicae Principis Apostolorum de Urbe circa legata Pauperibus in genere facta.

De hac materia Jul. II. Const. Lique omnibus. Tom. 3. Par. 3. Clem. VIII. Const. 3. Admonet. Tom. 4. Par. 1. fol. 31. & Const. 12. Dydim. ibid. fol. 49. Paul. III. qui refert Const. 37. ibid. fol. 195. Jul. II., & Leo X. Const. Tom. 3. Par. 3. Dum ad universos. Jul. III. Const. 17. Accepimus. Tom. 4. Par. 1. fol. 286. Pius IV. Const. De commisso. Tom. 4. Par. 2. Pius V. Const. 131. Decet. Tom. 4. Par. 3. fol. 89. & Const. 153. Exigit. ibid. fol. 124. Sixtus V. Const. 170. Cum ex debito. Tom. 5. Par. 1. fol. 117. & Clem. VIII. Const. Quaecumque.

ALEXANDER PAPA VII.

Ad perpetuam rei memoriam.

Superni dispositione consilii vices illius gerentes in terris, qui pauperum curam

Exordium: ram